



**ZAPISNIK O RADU TRINAESTE SJEDNICE  
KOLEGIJA GRADSKOG VIJEĆA GRADA SARAJEVA  
ODRŽANE 02.11.2021. GODINE**

Broj: 01-GV-02-1380/21  
Sarajevo, 02.11.2021. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Toni Vukadin, predsjedavajući Kluba gradskih vijećnika Naroda i Pravde
4. Vedad Deljković, predsjedavajući Kluba gradskih vijećnika Stranke demokratske akcije
5. Adi Škaljić, predsjedavajući Kluba gradskih vijećnika Naše stranke
6. Srđan Srdić, zamjenik predsjedavajućeg Kluba gradskih vijećnika „SMS-Savez za Stari Grad-Srđan Srdić“
7. Enisa Spahić, predsjedavajuća Kluba gradskih vijećnica „Demokratska fronta-Enisa Spahić-Amra Zulfikarpašić“
8. Drago Jurić, zamjenik predsjedavajućeg Kluba gradskih vijećnika „USD-BOSS“
9. Elvedin Korora, predsjedavajući Kluba gradskih vijećnika „Korora/Skorupan“
10. Seid Škaljić predsjedavajući Kluba gradskih vijećnika „Narodni evropski savez (NES) - Željko Majstorović“
11. Mila Eminović Rizvanović, sekretar Gradskog vijeća

Odsutni: Dragan Stevanović, zamjenik predsjedavajućeg Gradskog vijeća (najavljen izostanak) i Muamer Mekić, predsjedavajući Kluba gradskih vijećnika Socijaldemokratske partije BiH (najavljen izostanak)

Sjednici su prisustvovala Benjamina Karić, gradonačelnica Grada Sarajeva i Anja Margetić, zamjenica gradonačelnice Grada Sarajeva.

Sjednici je prisustvovala, po ovlaštenju Gradonačelnice, Aida Bajramović, šef Odjeljenja za kabinetske poslove u Stručnoj službi gradonačelnice Grada Sarajeva.

Sjednici su prisustvovala Mirjana Đanović Stanić, rukovodilac Stručne službe za poslove Gradskog vijeća Grada Sarajeva i Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva.

Jasmin Ademović, predsjedavajući Gradskog vijeća, je otvorio sjednicu u 14.45 sati, pozdravio prisutne te konstatovao kvorum za punovažan rad i odlučivanje.



Na prijedlog Jasmin Ademovića, predsjedavajućeg Gradskog vijeća, Kolegij Gradskog vijeća, bez rasprave, jednoglasno, **usvojio je** Zapisnik o radu Dvanaeste (12) sjednice Kolegija Gradskog vijeća, održane 27.10.2021. godine.

Jasmin Ademović, predsjedavajući Gradskog vijeća, predložio je da se dnevni red Trinaeste (13) sjednice Kolegija Gradskog vijeća dopuni tačkom: Priprema za održavanje Osme sjednice Gradskog vijeća, te predložio da dnevni red Trinaeste sjednice Kolegija Gradskog vijeća glasi:

1. Priprema za održavanje Osme sjednice Gradskog vijeća Grada Sarajeva
2. Priprema za održavanje Devete sjednice Gradskog vijeća Grada Sarajeva
3. Tekuća pitanja

Na prijedlog Jasmina Ademovića, predsjedavajućeg Gradskog vijeća, Kolegij Gradskog vijeća, bez rasprave, jednoglasno, **usvojio je** dnevni red Trinaeste sjednice Kolegija Gradskog vijeće, tako da glasi:

1. Priprema za održavanje Osme sjednice Gradskog vijeća Grada Sarajeva
2. Priprema za održavanje Devete sjednice Gradskog vijeća Grada Sarajeva
3. Tekuća pitanja.

#### **Ad1)**

#### **Priprema za održavanje Osme sjednice Gradskog vijeća Grada Sarajeva**

Jasmin Ademović, predsjedavajući Gradskog vijeća, pozvao je Benjaminu Karić, gradonačelnica Grada Sarajeva, da dâ pojašnjenja o određenim materijalima koji su predloženi za razmatranje na Osmoj sjednici Gradskog vijeća Grada Sarajeva.

Benamina Karić, gradonačelnica Grada Sarajeva, upoznala je članove Kolegija Gradskog vijeća da će kao ovlaštenu predlagач, povući Prijedlog Odluke o opredjeljenju za preuzimanje na upravljanje i održavanje Spomen-parka Vraca te je dala obrazloženje sljedećeg sadržaja. Naime, u narednom periodu, održat će se sastanak sa predstavnicima Javne ustanove Fond Memorijala Kantona Sarajevo koji su izrazili spremnost da preuzmu održavanje i upravljanje Spomen-parkom Vraca. U slučaju da Fond preuzme upravljanje i održavanje Spomen-parka Vraca, Grad će insistirati da to učini u punom kapacitetu, kako se ne bi, ubuduće, morala izdvajati sredstva iz budžeta Grada Sarajeva za održavanje Spomen-parka Vraca. Gradonačelnica će nakon održanog sastanka sa predstavnicima Fonda, informisati Gradsko vijeće Grada Sarajeva o rezultatima sastanaka.

U raspravi koja je uslijedila učestovali su članovi Kolegija Gradskog vijeća Srđan Srđić i Adi Škaljić, a dodatna pojašnjenja dala je Benamina Karić, gradonačelnica Grada Sarajeva i Jasmin Ademović, predsjedavajući Gradskog vijeća.

Član Kolegija Adi Škaljić je predložio da se na sastanak sa predstavnicima Javne ustanove Fond Memorijala Kantona Sarajevo pozovu i predstavnici osnivača Fonda, odnosno Vlade Kantona Sarajevo, sa čijim se prijedlogom Benamina Karić, gradonačelnica Grada Sarajeva usaglasila.

Zatim je Benamina Karić, gradonačelnica Grada Sarajeva uputila poziv rukovodstvu Gradskog vijeća i predstavnicima klubova gradskih vijećnika da u srijedu, 03.11.2021. godine u 15.00 sati, dođu ispred Vijećnice, kako bi zajedno obišli objekt Bistričke stanice i objekat Vidikovac, a što predstavlja realizaciju zaključka sa Desete sjednice Kolegija Gradskog vijeća

održane 12.10.2021. godine, kojim je Kolegij Gradskog vijeća Grada Sarajeva tražio od gradonačelnice Grada Sarajeva da zajedno sa rukovodstvom Gradskog vijeća i predsjedavajućim klubova gradskih vijećnika u Gradskom vijeću Grada Sarajeva organizuje obilazak svih objekata o kojima će Gradsko vijeće voditi raspravu na Osmoj sjednici Gradskog vijeća.

Jasmin Ademović, predsjedavajući Gradskog vijeća, naglasio je i da će Mila Eminović Rizvanović, sekretar Gradskog vijeća, odmah, nakon održavanja sjednice Kolegija Gradskog vijeća, uputiti e-mail rukovodstvu Gradskog vijeća i predsjedavajućim klubova gradskih vijećnika, kako bi ih obavijestila o planiranom obilasku.

U nastavku sjednice Benjamina Karić, gradonačelnica Grada Sarajeva, zatražila je mišljenje Kolegija Gradskog vijeća, vezano za Prijedlog Odluke o davanju saglasnosti za pokretanje procedure realizacije projekta postavljanja dva (2) jarbola sa zastavama Bosne i Hercegovine i Grada Sarajeva na ulazu u Grad Sarajevo – Istočni ulaz, a cijeneći aktuelnu političku situaciju i momenat u kojem se Odluka donosi.

Upoznala je članove Kolegija Gradskog vijeća da će jarboli biti donirani od strane gradonačelnika jednog grada u Turskoj.

U raspravi, koja je uslijedila, učestovali su Jasmin Ademović, predsjedavajući Gradskog vijeća, Mirela Džehverović, zamjenica predsjedavajućeg Gradskog vijeća, članovi Kolegija Gradskog vijeća Adi Škaljić, Seid Škaljić, Toni Vukadin, Vedad Deljković, Drago Jurić, te Mila Eminović Rizvanović, sekretar Gradskog vijeća i Aida Bajramović, šef Odjeljenja za kabinetske poslove u Stručnoj službi gradonačelnice Grada Sarajeva.

Nakon rasprave Benjamina Karić, gradonačelnica Grada Sarajeva, je upoznala članove Kolegija da će kao ovlašteni predlagač, povući Prijedlog Odluke o davanju saglasnosti za pokretanje procedure realizacije projekta postavljanja dva (2) jarbola sa zastavama Bosne i Hercegovine i Grada Sarajeva na ulazu u Grad Sarajevo – Istočni ulaz radi konsultacija sa članovima Gradskog savjeta, te procjene, eventualne potrebe iznalaska i druge lokacije za postavljanje jarbola sa zastavama.

Potom je Benjamina Karić, gradonačelnica Grada Sarajeva, informisala članove Kolegija Gradskog vijeća da će povući i Informaciju o statusu muzejskog prostora u Vijećnici sa prijedlogom zaključaka podnesenu Gradskom vijeću na razmatranje, te uputiti Gradskom vijeću na razmatranje novi materijal - Informacija o statusu muzejski prostora u Vijećnici, bez prijedloga zaključaka.

Također, informisala je članove Kolegija Gradskog vijeća da postoji mogućnost da kao ovlašteni predlagač, predloži Gradskom vijeću za razmatranje po hitnom postupku, na Osmoj sjednici Gradskog vijeća, Prijedlog Odluke o davanju saglasnosti za potpisivanje Sporazuma sa GIZ-om u realizaciji projekta „Nabavka kanti za sitni otpad za Grad Sarajevo“, ali da je uslov da bi se Prijedlog Odluke pripremio i uputio na sjednicu Gradskog vijeća, da GIZ dostavi pismo namjere.

Jasmin Ademović, predsjedavajući Gradskog vijeća, upoznao je članove Kolegija da je Gradonačelnica, nakon što je upućen poziva gradskim vijećnicima za Osmu sjednicu Gradskog vijeća, podnjela Gradskom vijeću na razmatranje i Informaciju o službenom putovanju delegacije Grada Sarajeva u Ljubljanu, te da je dana 01.11.2021. godine, predložila

Gradskom vijeću razmatranje, po hitnom postupku, Prijedloga Odluke o stavljanju van snage Odluke o davanju saglasnosti za pokretanje postupka sporazumnog raskida Ugovora o izradi Glavnog projekta rekonstrukcije i adaptacije objekta bivše zgrade SDK kod Vječne vane u Sarajevu.

Jasmin Ademović, predsjedavajući Gradskog vijeća, upoznao je članove Kolegija Gradskog vijeća da je Komisija za izbor i imenovanja Gradskog vijeća, neposredno pred održavanje sjednice Kolegija Gradskog vijeća, okončala proceduru razmatranja prijave pristiglih po javnom oglasu za izbor i imenovanja Pravobranioca Grada Sarajeva, te ukoliko Gradonačelnica predloži, na Osmoj sjednici Gradskog vijeća mogli bi se razmatrati, po hitnom postupku, Prijedlog Odluke o razrješenju pravobranioca Grada Sarajeva i raspoređivanju na radno mjesto zamjenika pravobranioca Grada Sarajeva, kao i Prijedlog Odluke o izboru i imenovanju pravobranioca Grada Sarajeva.

Ukoliko Gradonačelnica ne uputi Prijedlog Odluke o izboru i imenovanju pravobranioca Grada Sarajeva, potrebno je da Gradonačelnica dostavi, po hitnom postupku, Prijedlog Odluke o davanju ovlaštenja za vršenje funkcije pravobranioca Grada Sarajeva.

## **Ad2)**

### **Priprema za održavanje Devete sjednice Gradskog vijeća Grada Sarajeva**

#### Termin održavanja Devete sjednice i dinamika aktivnosti u pripremi Devete sjednice Gradskog vijeća

Jasmin Ademović predsjedavajući Gradskog vijeća je predložio termin i dinamiku održavanja Devete sjednice Gradskog vijeća.

Na prijedlog Jasmina Ademovića, predsjedavajućeg Gradskog vijeća, Kolegij Gradskog vijeća, bez rasprave, **jednoglasno** je usvojio sljedeći **zaključak**:

- Deveta sjednica Gradskog vijeća će se održati u **srijedu 01.12.2021. godine** u Vijećnici sa početkom u **10.00 sati**;
- predlagači će materijale dostaviti Predsjedavajućem najkasnije u **utorak 09.11.2021. godine**;
- sjednice radnih tijela u pripremi Devete sjednice Gradskog vijeća Grada Sarajeva, održat će se u sedmici koja počinje s **ponedjeljkom 15.11.2021. godine**;
- pozivi gradskim vijećnicima će se uputiti u **utorak 23.11.2021. godine**.

Aida Bajramović, šef Odjeljenja za kabinetske poslove u Stručnoj službi gradonačelnice Grada Sarajeva, upoznao je Kolegij Gradskog vijeća da Nacrt Budžeta Grada Sarajeva za 2022. godinu i Nacrta Odluke o izvršenju Budžeta Grada Sarajeva za 2022. godinu neće biti moguće dostaviti Gradskom vijeću, u skladu sa utvrđenom dinamikom pripreme za održavanje Devete sjednice Gradskog vijeća, odnosno do utorka 09.11.2021. godine, već će biti dostavljeni u četvrtak 11.11.2021. godine.

Benamina Karić, gradonačelnica Grada Sarajeva, napustila je sjednicu Kolegija Gradskog vijeća u 15.30 sati, radi ranije preuzetih obaveza.

## Praćenje realizacije Programa rada Gradskog vijeća Grada Sarajeva

Poslije rasprave, konstatovano je, odnosno zaključeno sljedeće:

Informacija o izvršenju Budžeta Grada Sarajeva za period 01.01. - 30.09.2021. godine, prema informaciji Gradonačelnice, **spremnna je** i očekuje se u prijedlogu dnevnog reda Devete sjednice Gradskog vijeća.

Nacrt Budžeta Grada Sarajeva za 2022. godinu, koji je bio planiran za razmatranje u mjesecu oktobru, prema informaciji Gradonačelnice, **spreman je** i očekuje se u prijedlogu dnevnog reda Devete sjednice Gradskog vijeća.

Nacrt Odluke o izvršavanju Budžeta Grada Sarajeva za 2022. godinu, koji je bio planirana za razmatranje u mjesecu oktobru, prema informaciji Gradonačelnice, **spreman je** i očekuje se u prijedlogu dnevnog reda Devete sjednice Gradskog vijeća.

Prijedlog Programa saradnje sa dijasporom, prema informaciji Gradonačelnice, **spreman je** i očekuje se u prijedlogu dnevnog reda Devete sjednice Gradskog vijeća.

Jasmin Ademović, predsjedavajući Gradskog vijeća, podsjetio je članove Kolegija Gradskog vijeća da je predlagač Programa saradnje sa dijasporom Komisija za međunarodnu saradnju Gradskog vijeća, a obrađivač Odjeljenje za međunarodnu saradnju u Stručnoj službi gradonačelnice Grada Sarajeva, te sugerisao da sadržaj ovog programa bude sadržaj Programa međunarodne saradnje Grada Sarajeva za 2022, godinu, a ne poseban Program.

Prijedlog Odluke o uslovima i načinu sticanja statusa udruženja i fondacija od posebnog značaja za Grad Sarajevo, prema informaciji Gradonačelnice, **spreman je** i očekuje se u prijedlog dnevnog reda Devete sjednice Gradskog vijeća.

Informacija o aktivnostima na pokretanju izrade novog akcionog plana rodne ravnopravnosti i ravnopravnosti spolova u Gradu Sarajevu prema informaciji Gradonačelnice, **je spremana** i biti će uvršten u prijedlog dnevnog reda Devete sjednice Gradskog vijeća

Nacrt Odluke o korištenju i održavanju uređenih vodotoka na području Grada Sarajeva, planiran za razmatranje u mjesecu oktobru, **spreman je** i očekuje se u prijedlogu dnevnog reda Devete sjednice Gradskog vijeća.

\*\*\*

### Novi prijedlozi:

Aida Bajramović, šef Odjeljenja u Stručnoj službi gradonačelnice Grada Sarajeva, upoznala je članove Kolegija Gradskog vijeće da će Gradonačelnica predložiti Gradskom vijeću na razmatranje Odluku o davanju saglasnosti za potpisivanje Sporazuma o saradnji Grada Sarajeva i Grada Izmirau pripremi Devetu sjednicu Gradskog vijeće.

\*\*\*

Jasmin Ademović, predsjedavajući Gradskog vijeća, konstatovao je da bi, ukoliko svi najavljeni materijali budu dostavljeni u potrebnom roku, prijedlog dnevnog reda Devete sjednice Gradskog vijeća mogao glasiti:

1. Prijedlog Odluke o uslovima i načinu sticanja statusa udruženja i fondacija od posebnog značaja za Grad Sarajevo
2. Prijedlog Odluke o davanju saglasnosti za potpisivanje Sporazuma o saradnji Grada Sarajeva i Grada Izmir.
3. Prijedlog Programa saradnje sa dijasporom
4. Nacrt Budžeta Grada Sarajeva za 2022. godinu
5. Nacrt Odluke o izvršavanju Budžeta Grada Sarajeva za 2022. godinu
6. Nacrt Odluke o korištenju i održavanju uređenih vodotoka na području Grada Sarajeva
7. Informacija o izvršenju Budžeta Grada Sarajeva za period 01.01. - 30.09.2021. godine
8. Informacija o aktivnostima na pokretanju izrade novog akcionog plana rodne ravnopravnosti i ravnopravnosti spolova u Gradu Sarajevu
9. Vijećnička pitanja i inicijative

Gradski vijećnik Vedad Deljković je postavio pitanje kada će se na sjednici Gradskog vijeća razmatrati Regulacionog plana „Brdo Hrasno“, a dodatna pojašnjenja dao je Jasmin Ademović, predsjedavajući Gradskog vijeća i Mirjana Đanović Stanić, rukovodilac Stručne službe za poslove Gradskog vijeća.

Jasmin Ademović, predsjedavajući Gradskog vijeća je podsjetio i na neke od teme iz Programa rada Gradskog vijeća Grada Sarajeva za 2021. godinu za koje nije utvrđen rok:

- Strategija razvoja Grada Sarajeva 2021.-2027. godine; Nacrt; Kad se steknu uslovi; Gradonačelnica; Tema uvrštena na prijedlog Gradonačelnice;
- Informacija o stanju u oblastima iz samoupravnog djelokruga Grada Sarajeva sa prijedlogom mjera i aktivnosti koje bi Grad Sarajevo preduzeo s ciljem poboljšanja stanja, a koje uključuju i izmjene ili usklađivanja, odnosno donošenje određenih gradskih propisa; Kad se steknu uslovi; Gradonačelnica;
- Informacija o stanju u oblastima iz djelokruga prenesenog Gradu Sarajevu zakonima drugih vlasti sa prijedlogom mjera i aktivnosti koje bi Grad Sarajevo preduzeo s ciljem poboljšanja stanja a koje uključuju i izmjene ili usklađivanja, odnosno donošenje određenih gradskih propisa; Kad se steknu uslovi; Gradonačelnica;
- Informacija o stanju romske populacija na području grada Sarajeva u doba pandemije; Kad se steknu uslovi; Gradonačelnica; Tema uvrštena na prijedlog Komisije za ljudska prava i slobode;
- Informacija o rodno zasnovanom nasilju i promociji rodne ravnopravnosti za dvije različite ciljne grupe (adolescente i odrasle); Kad se steknu uslovi; Gradonačelnica; Tema uvrštena na prijedlog Komisije za ljudska prava i slobode;

Aida Bajramović, šef Odjeljenja za kabinetske poslove u Stručnoj službi gradonačelnice Grada Sarajeva, obrazložila je da na određenim materijalima radi, te da bi neki od ovih materijala mogli biti gotovi u pripremi sjednica Gradskog vijeća, koje će se održati u novembru, odnosno decembru mjesecu.

### **Ad3)**

#### **Tekuća pitanja**

Jasmin Ademović, predsjedavajući Gradskog vijeća, upoznao je članove Kolegija Gradskog vijeća da će povodom 25. novembra - Dana državnosti Bosne i Hercegovine biti upriličena svečana akademija na kojoj će Islamu Đugumu biti uručeno priznanje „Plaketa Grada Sarajeva“, kao i za prof. Seada Gološa, posthumno, te podsjetio da je potrebno da Stručna služba gradonačelnice Grada Sarajeva, blagovremeno, realizuje nabavku plaketa, odnosno organizuje ceremoniju.

Obzirom da pod ovom tačkom dnevnog reda nije bilo novih prijedloga za raspravu, Jasmin Ademović, predsjedavajući Gradskog vijeća, zaključio je sjednicu Kolegija Gradskog vijeća u 15.45 sati.

*SEKRETAR GRADSKOG VIJEĆA*

*Mila Eminović Rizvanović, s.r.*

*PREDSJEDAVAJUĆI GRADSKOG VIJEĆA*

*Jasmin Ademović, s.r.*